



**Clara Et Praeclara Methodus Parandæ Eloquentiæ,
Secundùm Doctrinam & Præcepta Cypriani Soarii è
Societate Jesu, Ad Captum Et Praxim Faciliorem
Accommodata**

Worpitz, Georg

Coloniæ Agrippinæ, 1700

§. 2. De Narratione.

[urn:nbn:de:hbz:466:1-68908](#)

494 Supplementum lib. I. ad cap. 33.
tionis, sed partem exordii; propositio autem
est pars exordii per se, quia semper necessaria
ad docilitatem, insinuatio autem per accidens
si nimis materia sit admirabilis, & turpis,

§. II, De Narratione.

Narratio est oratio exponens rem factam,
vel quasi factam, dixi, quasi factam, ut & fa-
bulæ comprehendantur sub illa. Est duplex
aliam simpliciter necessaria, sine qua causa seu
status questionis explicari non potest, ut sit
in genere judiciali, exemplum est in Milo-
niana. Alia secundum aliquid necessaria, ut
dum in genere demonstrativo virtutes pro-
bamus per res gestas, quas referimus, cuius
exempla invenies in plerisque orationibus
Peripiniani, Tarquinii, Gallutii, Mureti,
Vernulæi &c.

Vitia narrationis sunt 1. si res nimis e-
nucleentur, & à primis principiis arcessan-
tur, narranturque cum otiosis adjunctis,
ut si narrare velles, quâ ratione Julius Cæ-
sar dictaturam perpetuam invaserit; ordinaris
dicere de Romuli & Remi origine, prima
Romæ constitutione, præterea adjungas,
quâ ratione milites tractare solitus fuerit,
quæ domi privatim cum civibus, & exteris
solitus sit facere, quæ omnia ad rem nec au-
gendam, nec minuendam faciunt. 2. Vitium
est, si crebræ nimis parentheses, & prolixæ
adhibeantur; ut, si narres raptum Hele-
næ, interponas per parentheses, quanta bo-

na & mala ex navigatione orbi proveniant.
Hæ digressiones otiosæ sunt. 3. Verborum,
sententiarumque Ambiguitas. ut Ajo te Aa-
ciden R̄omanos vincere posse, quod Pyrrho
responsum est ab oraculo Delphico. 4. quan-
do personæ & res diversæ simul narrantur,
& confunduntur, ut Auditores non satis
intelligant, ab hocne potius, vel ab illo. hoc
vel illud factum sit. Oportet videlicet, ubi
plura narranda sunt, non omnia in unum
congerere, & miscere, sed partiri & ordine
referre. 5. si narrantur incredibilia: talia au-
tem etiam sunt, quæ vera sunt, si sint suprà
captum eorum, apud quos narras; ut si apud
imperitos Matheeos narres currus inventos
esse. qui velit & vento acti tanta ferant pon-
dera, quanta ab equis tracti: dicas præterea
Maris arenam, totius Messis grana, gut-
tas Oceani numerari posse. Hæc etsi certis-
fimo possint, rudes tamen, quod non capi-
ant, non credunt. Afferenda sunt igitur
quæ probabilia putat Auditor. 6. est di-
ctio humilis, & obscura; ut si crimen
atrox, & cruentum expressurus dicas: vide-
te & obstupescite grande facinus, hic mus-
culus panem rosit. 7. ejusdem rei crebra
repetitio; ut si mera incendia & flam-
mas adferam, quasi res aliter exprimi non
posset.

Inter virtutes narrationis prima est bre-
vitas: est autem brevis narratio quæ ni-
hil continet, quod detracto, sensus idem, ea-
demque.

demque claritas narrationis mutetur; et si
in magnam molem excrescat. E diverso
longa est narratio pauculis etiam contenta,
si intrudantur superflua, id est, quæ sine dam-
no sensus, & claritatis abesse possunt. 2. *Vir-
tus* est perspicuitas, quæ elucet si utamur
verbis propriis rem clare & simpliciter ex-
perimentibus: aut certè si tropis & figuris
utamur, sic utamur, ut rem non obscurent,
aut reddant ambiguam, sed potius decla-
rent 1. *Est probabilitas*, potest ea juxta Cice-
ronem peti, & à nomine personæ, ut Ci-
cero pro Roscio Amerino, num. 17. Nam duo
isti sunt &c. 2. à natura ejus, de quo nar-
atur, an videlicet timidus sit, an audax; bonus
an malus, doctus an ignarus, ut pro Milone,
numer. 25. ubi vedit &c. 3. ab educatio-
ne, ut pro Amerino numer. II. 12 & 13.
Unus in re paulò minus consideratus &c.
4. a fortuna, ut à nobilitate, vel obscu-
ritate, an dives sit, an pauper, ut pro
Amerino, numer. 15. Sextus Roscius &c.
5. ab affectione, seu quibus ille motibus la-
borare solet, ut pro Ligatio, numer. 3. quæ
audita, &c. 6. à studio seu animi applicatio-
ne, ut pro Archia, numer. 5. Ut primum ex-
pueris excessit. 7. è facto, ut pro Milone,
numer. 24. Subitò reliquit. 8. ab ejus di-
ctis, ut pro Milone, numer. 25. palam age-
re cœpit, &c. 9. à casu, ut pro Ligatio
n. 5. bellum subitò exarsit, 10. ab ætate; ex-
ponendo an senex, an juvēnis. Fit etiam pro-
babilis

babilis à tempore & loco ; item si exponantur bausæ facti , item si adducantur , quæ cum opinione hominum sunt conjuncta : quæ omnia patent in Miloniana. Non mediocre autem pondus habet , auctoritas narrantis , & nota vita , de quo narratur , ut Cicero de Verre &c. 4, *Virtus narrationis est suavitas.* quæ adeat , quando magna , nova , inaudita adducuntur. ut Philip. 3. numer. 3. Caius Cæsar. Pro Cluentio. num. 15. ô mulieris scelus ? &c. 2. conducunt subjectiones inexpectatae , ut pro Cluentio numer. 12. Cùm essentæ nuptiæ &c. Frequentissimum est hoc in Verrinis , ut cùm Cicero dicit : quid putatis eum fecisse ? fortassis expectabitis furtum ? aut expilationem aliquam ? &c. postea subiicit aliquid , quod gravius est. 3. exitus inopinati , sive laxi , & felices , sive tristes , & luctuosí magna gratiâ afficiunt orationes. 4. animi motus , seu affectus narrationi interpositi : quod fieri potest dupliciter : vel enim ejus affectus narrantur de quo nobis sermo est , quâ v. g. irâ , libidine &c. hoc egerit vel certè ipsi inter narrandum concitamus in auditoribus motus ; ut Cicerro pro Cluentio numer. 12. & pro Roscio. numer. 74. apud Quintilianum declamat. 6. 5. Colloquia personarum per sermocinacionem in narratione inductam , ut in Ver-
rin. 3. numer. 63. oppidum est
in Helesponto , &c.

*§. 3. De Confirmatione in qua & Con-
futatio.*

Huc referuntur argumenta, quæ ad fidem faciendam pro statu questionis sunt excoxitata. Si quæstio sit infinita, possunt ponendi ordine, quo positi sunt loci: Si sit finita, tum juxta caput 15. lib. 2. ponuntur firmissima in principio quæ excellunt, in extremo loco, mediocria in medio, vitiosa nullibet. Potest etiam observari ordo temporis, ut in exhortatione personæ, agi potest de rebus ante vitam, in vita, post vitam gestis, vel ordo naturæ aut dignitatis: solemus à levioribus & facilioribus ad graviora & difficilia; à planioribus, & notis ad obscuriora, & intricata, à minoribus ad majora progressi. In refutationibus ordo plerumque servatur ab adversario constitutus. Non differt autem confutatio ab ipsa confirmatione, quippe dum aliena refellimus, nostra confirmamus, patet id in Oratione pro Murena. Confutari solent argumenta adversarii, si ostendatur repugnantia quoad tempus, aut locum, v. g. cædem factam Romæ ab eo, qui tunc Venetiis fuit, vel quo ad personæ indolem & mores, v. g. ab optimè educato, aut divite factum furtum: aut si arguatur adversarius male intulisse: v. g. Miloneum insidiatum esse Clodio, quod publico abstinuerit, cum inferri debuisset, idcirco publico absti-